

مکتبہ اسلامیہ

۱۹ نجی سنہ

سنہ ۱۳۱۷

جزو، عدد : ۸۵





ناپوليون بوناپارت

ناپوليونك خصوصيتي

[مابعد عن جزؤ ۸۲]

[مانطوئە Mentoue] نك ضابطه (قامپوفورميؤ Campo-Formio) مصالحه نامه
سنگ امضائى آراسنده كى مدت ظرفنده ناپوليون كرك (مونتە بللو) ده اولسون
و كرك (پاتەريانو) ده اولسون والده سى، همشيرە لرى و برادرلرى ايله برلكده
بولمشدر .

هروقت لطيفه ايتك ، معيقى خلقنك اوونلر ينه قارشمق و حتى آغر بۇشلى
آوستريا مرخصلرني بيله اشتراك ايتدبرمك و آره صره حكايەلر سويلك كى احوالى
(مارمون) و (ارنولت) نقل ايدزلر . همشيرە سى (الزا) نى (باكيوكى) اسمنده
بركوكك ضابطه تزويج ايتديكى كى، برقاچ آي صكرده دىگر قزقرداشى اپولپين اى
براون تاجرى اوغلى اولان جنرال (لوكلر Leclerc) ه تشكيج ايتمى هـنوز
اعضاي عائلە سى ايجون تختلر، تاجلر تصورلرندە بولمديغى كوسترر . آرتق بۇنك
اوزرينه (ميؤ دومەليؤ Miot de Méliot) كى ناپوليون عليهنده بولانلرك، گويا
ناپوليون كوكك ياشندن برى آالشديغى برشيش كى، كندوسنه نقدر تعظيم و حرمت
ايدلسه او درجه محظوظ اوليشنك عظمتە دلالت ايتديكى حقنده كى ادعالى معتبر
اوله بيلورمى ؟ اجراى وظيفه ده جمله نك كمال اطاعت و انقيادنى تامين ايتمش بولمى

فنا بر شیمی؟ علی الخصوص فرانسه کی بردوات فخریمہ نیک مرخصی و قوت غالبہ سنک
تمثال مشخصی اولدقدن بشقہ بابالری، ایماطورلری، قراللری زبون بانجه غالبیتی ایدن
و میدان مظفریتده خصمه آرزوسی کی معاهدہ نامہ امضالدرین بر آدمک عمومہ
قارشو قوتی تصدیق ایستدیرمی اقتضا ایتمیزی ایدی؟

(و مرقونا Verone) دن زوجہ سنہ کوندردیگی مکتوبلر کی (آقونا) دنده
برجوق مکتوبلر کوندرمش ایسده اولکیلر کی سودا پرستانه دگلر ایدی . هله
ژوزہ فینک بر معناد صغوق صغوق جوابلری نابولیونی بسبتون کسندوسندن
صغومتشدر .

بوناپارطک ۱۷۹۷ سنہ سی شباطنک اون آلتیسندہ یازدینی بر مکتوبسندہ « هپ
کدرلی ، هپ خستہ سنک . هیچ مکتوب کوندرمیورسک . یارسه کیتمک ایستدورسک ، آرتق
قوجہ کی سومزمی اولدک ؟ بوجہتی دوشوندکجه بدبختلغمہ حکم ایدیورم . سنک
محزونیتکی خبر آلدیغدن برو حیات بگا بر بار ثقیل کورنگه باشلادی . سنی تداوی
ایتمک اوزره (موسقاتی Moscati) نی بوللایورم . نیمده صحتم بک برنده دگل . نزلہم
دوام ایدیور . کندکی محافظه ایتمکی و هراگون بگا مکتوب کوندرمکی رجا ایدرم .
کدرمه حد و پایان یوقدر . اگر (آقونا) یه گلک ایسترسک برابرکده بولنسنی
(موسقاتی) یه تنبیه ایتم . نروده اولدینی سکا اورادن بیلدیریرم . بابا ایله عقد مصالحه
ایتمک لکم احتمالی وازدر . او حالده یانکجه گلبرم ، برنجی املده بؤدر . »

نابولیون ، زوجہ سنک یارسه عودت آرزوسی کوسترمسنه منفعل اقلسی اوزرینه
سرزنش مقصدیلہ باشلادینی مکتوبلر هپ بؤله تایید محبتله ختام بؤلور ایدی .
بابا ایله مصالحه نامہ امضا ایلدیکنی مشعر ژوزہ فینه کوندردیگی مکتوب دخی
شوبلہدر : « روما ایله مصالحه ایلدی (بولونیا Bologne) (فدراره Ferrare)
(لارومانیا La Romagna) فرانسه یه ترک اولدی . بابا بزه اوتوز میلونله آئارنادره
ویره جکدر . یازین (آقونا) یه کیدبورم . اوزادنده (ریمینی Rimini) یه (رادہن
Ravenne) . (بولونیا Bologne) یه کیدجکم . ایسترسک (ریمینی) یه یاخود
(بولونیا) یه گل .

حالا سندن بر مکتوب یوق. فسبحان الله! جانم بن سگا نه پاید؟ داما سنی دوشو
ندیگمک، سنک ایچون یشادیلغک، سنک سعادتکله بختیار اولدیغمک مکافات بومی؟
مطلقا یاخسته سگ، یاخود بی سومیورسک. بنم یوزگمی مرمردن می صانیورسک؟
آلام واکدارم سگا تأیر ایتیمور می؟ سن عقل و ذکا و حسن بی بهاگی خصائص
فطریه یه وزبون بیچمه عشقک اولان کونله مالکسک! لطف ایتدبر مکتوب اولسون
کوندر.

بۇ مکتوب ناپوليونك احساسات عاشقانه سنى مصوّر مکتوبلارک صوکی عد
ایدلسه و افادانده کی کسپکلک سونمک اوزره اولان بر آتشک صاغه صوله
صیجراتدیغی شرارلره تشبیه ایدلمش اولسه یری واردر . واقعا بو آتشی تازه لندیر .
مک پک قولای ایدی ؛ لکن ژوزفینک حالی بوگا احتمال ویردیرمه میوردی . ایشته
ناپوليونک دیللارده داستان اولان و ۳۰ کانون ثانی ۱۷۹۷ ده نهایت بولان ایستایا
مظفریاتی بۆله یأس و کدرله مرور ایتمش و ژوزفینله ملاقاتی کانون اولده پارسده
وقوع بولمیشدر .

ناپولیون کندی شرفه اوله رق ترتیب واجرا قلنان بونجه غایشلر، شهر آینلر
ایچنده ینه مصر سیاحتک تصویراتیه مشغول بولینوردی .

مایسٹ دردندہ برابرندہ ژوزفین ایله (بوری ن) (دورق Duroc) والاوالهت
(Lavalette) اولدینی حالده پارسدن حرکت ایتدی .

غرا ائبدن اولمق اوزره شؤسياه ائتمده وقوع بولان بر حادئني قيد ايدم: بولجیلرک
بندکلری عربنهک اوستنده بریر واردی که اقرایه اشایی قویمشلردی. عربه کچیلین
کیدرکن یول اوزرنده بولنان بر جسم آغاچک ایری دالی اشاییه طاققله عربنی
طور دیرر. مگر سه اومحکک بر قاچ آدیم ایلروسنده کان اولان کوبری اؤکون آقشام
اوزری آقان سیلاردن ییقلمش. کیمسده خبردار اوله مامش. عربنی دالان قورتارمق
اوزره اینن بولجیلردن بری کوبرینک ییقای اولدیفنی کوروب آرقداشلرینه اخبار
ایدر و بوصورته کرک نابولیون و کرک آرقداشلری بروت محققدن قورتیلورلر!!!
بولجیلر مایسک سکزنده (طؤلون) موصلت ایستیلر. نابولیون ده اون طقوه.

زنده (لوریان l'Orient) اسمندہ کی کمی بہ را کب اقلدی، نابولیونک زوجه سیلہ وداعی پک جانخراش ایدی، ژوزفینک رفاقت ایتک آرزوسنی بیان ایدوب ایتدیگی مجھول ایسده، کریمہ سی (اورتانس) یازدینی بر مکتوب بندہ بقلہ بر آرزودہ بولاش اقلدینہ دلالت ایدر بر فقرہ موجوددر .

مشار الیہک فصل ۱۳ حزیراندہ مالطہ آطہ سنی ضبط ایلدیگی ونہ صورتہ تموزدہ اسکندریہ بہ چقدینی تاریخچہ معلومدر، و سیاحت وقایعی ایسہ مقصدن خارج اولدینی جہتلہ بوبادہ تفصیل کیفیتن صرف نظر ایدلمشدر، آنحقی مشار الیہک خصوصیتنجہ وقوعہ گلان تبدل کلیدن بحث ایتک لازمدرکہ، اوتبدل دہ ژوزفین حقندہ سونمک درجہ سنہ گلان آتش محبتک بسبتون انطفا سیدر، حتی برادری ژوزفہ یازدینی بر مکتوب بندہ "زوجه مہ حرمتدہ قصور ایتہ، آرہ صرم گیت کور، کندوسنہ بعض نصایحہ بولمسنی لوفی دن رجا ایدرم، ژولی بہ برگوزل شال بوللابورم، ژولی ابو برقادینجہ زدر، آنی بختیار ایتکگہ چالیشک" گبی سوزلر محرردر، بالآخرہ وارد اولان مکتوبلردہ مندرج تفصیلات نابولیونی الک مزعج قصفا نجلغہ سوق ایتدیگی دہ ژوزفہ کوندردیگی مکتوبک شو "عائلہ جہ پک چوق کدرلرم وار" جملہ سیلہ تحقیق ایدر .

(مابعدی نسخۂ تالیفہ)

